

5. BIZIKIDETZA ETA SEGURTASUNA

Aurrera, batera!
Bilbao
Mira al futuro

Bilbo hiri segurua da. Halaxe egiaztatzen dute Estatuko, Europako eta mundu osoko neurri bereko beste eremu metropolitarrak batzuekin egindako konparazioetako datuek. Eta halaxe frogatzen dute egunez eguneko jardunak zein azken urteotan hirian antolatutako ditugun mundu mailako ekitaldiek ere.

Azken 4 urteotan, aurrerapauso adierazgarriak eman dira segurtasunaren arloan. Udako talde politiko guztiek sinatutako Segurtasunaren aldeko Itunean jasotako neurri guztiak inplementatu ditugu, Udaltzaingoaren kaleko presentzia areagotuz eta "hurbiltasunezko poliziaren" garapenean aurrera eginez, besteak beste. Eta segurtasuna indartu dugu Bilbon prebentzioaren ikuspegitik, Hirian izandako ekitaldi eta jende-pilaketa handietako segurtasunari eta merkataritzaren zein etxebizitzaren arreta berezia emanez, muturreko fenomenoek eragindako arriskuak gutxitzeaz gain.

Ez ditugu ahaztu behar Udaltzaingoak eta Suhiltzaileek eginten duten lan bikaina. Bilbotarrek aitortutako lana. Ez eta auzoetako segurtasun-tailerrak ere, herritarrei Bilboko Udaltzaingoan dagozkien erreferenteak hurbiltzeagatik.

Datozen 4 urteei begira, modu proaktiboan lan egiten jarraituko dugu gure auzoetako bizikidetzaren eta segurtasunaren bermatzeko, Segurtasunaren aldeko Ituna eguneratuz, izan ere, Bilbok hiri segurua izaten jarraitzea nahitaezkoa da gure hiriaren garapen ekonomiko eta soziala bermatu ahal izateko.

5.1 - BIZIKIDETZA

HELBURUA: Herritarren arteko bizikidetza hobetzea, gatazken prebentzio eta konponketa goiztiarraren bidez eta jokaera antosozialen kontrol eta zuzenketaren bitartez.

NEURRIAK

1. Hirian gizabidez jokatzearen aldeko gizarte-kontzientziaziorako kanpainak egiten jarraitzea, hiriko bizikidetza-giroaren pertzepzioa hobetuz, zarata, botiloia edo bandalismoa murrizteko.
2. Ikasleak bizikidetzaren arloan prestatzeko jarduerak bultzatzea.
3. Bizikidetzaren Behatokiak komunitate mailako gatazkak bitartekaritzaren bidez konpontzeko garatutako jardueren ikusgarritasuna areagotzea.
4. Bizikidetzaren Behatokiaren alderdi prebentiboa nabarmendu eta hiriko auzoetako funtsezko eragileekin duen etengabeko harremanari eustea.
5. Zurrumurruen Aurkako Proiektuari jarraipena ematea, gure hiriko bizikidetza hobetuz, Bilbon atzerriko immigrazioari lotutako estereotipoei aurre eginez, balio demokratikoak eta aniztasunarekiko errespetua sustatuz, eta gizarte-kohesioa sustatzeko bizikidetzan aurkitzen ditugun zailtasunak detektatuz eta landuz.
6. Polizia komunitarioaren eredia finkatzea. Udaltzaingoaren Polizia Komunitarioko unitateen lana sendotzea.
7. Polizia-lana egiteko sistema beste sail batzuekin batera hobetzea bizikidetzagatazkei dagokienez.
8. Poliziaren prebentzio eta esku-hartze sistemak hobetzea bizikidetzagatazketan, eta kasuistiken nahiz polizia-jardunerako prozeduren katalogoa definitzea horietako bakoitzerako.

5.2 - HERRITARREN SEGURTASUNA

HELBURUA: Hiriko delituen mailari eustea, Bilbon dagoen kriminalitate-tasa Estatuko gainerako eremu metropolitarretan dagoenaren atzetik mantenduz, eta segurtasunaren pertzepzio onari eustea, "oso ongi" kalifikaziotik hurbil, polizia-estrategia prebentiboak are gehiago indartuz.

NEURRIAK

1. Bilboko Herritarren Segurtasunaren aldeko Ituna eguneratzea, Herritarren Segurtasunerako politiken eta Udaltzaingoaren jardun-ereduaren inguruan ahalik eta adostasun politikorik handiena lortzeko, horrexetan sakonduz eta neurri berriekin zabalduz.
2. Segurtasuneko Plan Estrategiko berria lantzea, Herritarren Segurtasunaren aldeko Itunean lortutako akordioak jasoz eta zehaztuz.
3. Udaltzaingoa 900 agenteko plantilla mantentzeko neurri egokiak hartzea.
4. Ertzaintzarekiko koordinazio-sistemen hobekuntzan aurrera egitea Euskal Segurtasun Sistemaren barruan, Ertzaintzarekiko interoperabilitatea hobetuz, Datu-base Bateratuen hobekuntzari arreta berezia emanez, geolokalizazio-sistema partekatua erabiliz eta polizia-inteligentziako zerbitzuen arteko konexioa hobetuz.
5. Herritarren Segurtasunerako Auzoko Tailerrekin jarraitzea, herritarrek segurtasun-politiken diagnostikoan, diseinuan, jarraipenean eta ebaluazioan parte hartzeko tresnatzat.
6. Bertako merkataritzaren segurtasuna hobetzen jarraitzea, merkatariekin eta hauen elkarteekin etengabeko harremana mantenduz, eta delituak eta iruzurrak prebenitzeko prestakuntza azpimarratuz eta merkatarien eta Segurtasun Arloaren arteko komunikazioa erraz dezakeen teknologiaren erabilera handiagoa sustatuz.
7. Trafiko-istripuak eta horien kaltegarritasuna murriztea, Bilbon antolatutako bide-segurtasunari buruzko prestakuntza eta informazio eta eragiketakanpainak indartuz, eta hirigunean orduko 30 km-ko abiadura-muga betetzeari arreta berezia emanez.
8. Parte-hartze bidezko segurtasun publikoaren ereduari aurrera egitea, Bilboko auzoetan diharduten gizarte-eragileen parte-hartzea eta erantzunkidetasuna ardatz. Bilboko 100dik gora elkarteren parte-hartze egonkorra eta aldizkakoa

mantenduko dugu, eta Udaltzaingoko Polizia Komunitarioko unitateek ikastetxeekin, adinekoen egoitzekin, elkarteekin, kultur zentroekin, kirol klubekin eta abarrekin dituzten harremanak areagotuko ditugu, etengabeko entzute aktiboko sistema baten barruan.

9. Auzoetarako segurtasun-plan espezifikoak implementatzea.
10. Delituen salaketa internet bidez egiteko aukera erraztea.
11. Udaltzaingoaren telefono bidezko arreta hobetzea.
12. Auzo-Ikuskaritza (Komisaria) Santutxu-Boluetan.
13. Udaltzaingoaren prestakuntza hobetzea, bereziki kalteberak diren biktimei arreta emateko. Eta Biktimen Unitatearen lana bultzatzen jarraitzea.
14. Ertzaintzarekin partekatutako sistemak hobetzea, indarkeria matxistaren biktima diren emakume mehatxatuen arriskuaren ebaluazioa eta babesa hobetzeko. Pertsona hauek babesteko sistema elektronikoen inplementazioa.
15. Polizia-patrulletan hobekuntza informatikoak ezartzea.
16. Polizia-jardunean droneak sartzea.
17. Herritarren segurtasunerako patrulletan body-camerak sartzea.
18. Udaltzaingoan berdintasun-politiketan aurrera egitea, emakume polizien presentzia ehuneko 5 gehituz.
19. Udaltzaingoaren parke mugikorraren elektrifikazioa bizkortzea.
20. Hiriko auzoetan udaltzain uniformedun eta uniformerik gabekoen presentzia konbinatzea.

5.3 - BABES ZIBILA

HELBURUA: Bilbon segurtasuna prebentzioaren ikuspegitik bermatzea, hirian izandako ekitaldi eta jende-pilaketa handietako segurtasunari arreta berezia emanez, muturreko fenomenoek eragindako arriskuak, klima-aldaketaren ondorioak eta abar gutxitzeaz gain.

NEURRIAK

1. Segurtasuna bermatzea hirian antolatutako ekitaldi eta jende-pilaketa handietan, ekitaldiak diseinatzeko hasten diren unetik babes zibileko langileen parte-hartze aktibotik abiatuta. Ekitaldien gauzatzearen kontrola eta autobabeserako planak ezartzea horrelakorik behar duten ekitaldietan.
2. Jende-pilaketa handiko jarduerak ikuskatzeko kanpaina berria.
3. Larrialdietako Udal Plana eguneratu eta plataforma digital bat ezartzea, modu koordinatuan eta udal sail guztien inplikazioaz kudeatu ahal izateko.
4. Herritarrik kalteberenak prebentzio-ekintza espezifikoetara buruz sentsibilizatzea.
5. Prebentzio zein esku-hartze zerbitzuen egitura eta baliabide materialak egokitzea, arrisku-egoerei erantzun egokia emango zaiela bermatzeko.
6. Operazio-parkeen egitura behar bezala optimizatu eta dimentsionatuko duen Plan Zuzentzaile Operatibo osoa garatzea, Deustu aldean suhiltzaile-parke berri bat eraikitzea barne.
7. Prebentzio zein esku-hartze zerbitzuetako langileen gaitasunak eguneratzeko prestakuntza-plan integrala garatzea, klima-aldaketarekin eta abarrekin lotutako arrisku-errealitate berrien aurre egiteko.

